

Til skýringar skal það tekið fram, að tollur fæst einungis endurgreiddur af vélum til iðnaðarframleiðslu, þ. e. a. s. af vélum, sem beinlínis eru notaðar við framleiðslu á vöru viðkomandi fyrirtækis, en ekki af hjálparvélum eða -tækjum, t. d. eins og vörulyfturum, loftræstitækjum, kynditækjum o. s. frv. Enn fremur verða vélarnar að vera í eigu endurgreiðslubeiðanda 1. marz 1970 og hafa verið tollafgreiddar eftir 1. des. 1968.

Til frádráttar endurgreiðslunni kemur væntanleg söluskattshækkun hinn 1. marz n.k.

Allar endurgreiðslubeiðnir sama aðila skulu sendar ráðuneytinu samtímis.

Nú rís ágreiningur um endurgreiðsluhæfi endurgreiðslubeiðna, og mun sá ágreiningur þá hljóta sömu málsmeðferð og lýst er í auglýsingu ráðuneytisins um endurgreiðslur vegna hráefna.

Umsóknareyðublöð fást hjá Félagi íslenskra iðnrekenda, Lækjargötu 12, Reykjavík, Verzlunarráði Íslands, Laufásvegi 36, Reykjavík, og hjá tolfyrirvöldum.

Fjármálaráðuneytið, 20. febrúar 1970.

Magnús Jónsson.

Jón Sigurðsson.

AUGLÝSING

um notkun endurgreiðsluheimildar skv. 50. tl. 3. gr. tollskrárlaga nr. 1/1970, á aðflutningsgjöldum af hráefnum til iðnaðarframleiðslu, sem tollafgreidd hafa verið eftir 1. des. 1969 og birgðum timburs hjá timburinnflytjendum 1. marz 1970, innfluttum eftir 1. ágúst 1969.

Beiðnir um endurgreiðslur verða því aðeins teknar til greina, að þeim til grundvallar liggi talning birgða, sem gerð sé 1. marz 1970, af þeim hráefnum og hálf- og/eða fullunnum vörum, sem endurgreiðslu er beiðzt á, svo og staðfesting löggiltis endurskoðanda eða tolfyrivalds, þar sem löggiltir endurskoðendur eru ekki til staðar, um að birgðatalning sé rétt.

Til þeirra nota hefur ráðuneytið látið útbúa sérstakt eyðublað, og skal hver endurgreiðslubeiðni send ráðuneytinu á slíku blaði, ekki síðar en 1. júlí 1970.

Beiðni fylgi:

- 1) Tollreikningur yfir vöruna ásamt vörureikningi (faktúru).
- 2) Ef um birgðir af hálf- og/eða fullunnum vörum er að ræða, sérstök skýrsla yfir magn þeirra vara, ásamt nákvæmri sundurliðun á tollskrárnúmerum, magni og tollverði þeirra vara, sem eru efnisþættir í hálf- og/eða fullunnu vörunni.

Allar endurgreiðslubeiðnir sama aðila skulu sendar ráðuneytinu samtímis.

Endurgreiðslur til verzlana, sem selja hráefni til framleiðenda iðnaðarvöru af fyrirliggjandi birgðum 1. marz 1970, á verði skv. hinum lækkaða tolli, verði því aðeins inntar af hendi, að seljendur afli sér staðfestrar talningar birgða af slíkum hráefnum pr. 1. marz 1970 á sams konar eyðublaði og áður getur.

Endurgreiðslur verða inntar af hendi gegn framvísun eftirgreindra skjala:

- 1) Sölnótu, staðfestri af kaupanda, sem sýni greinilega til hvaða iðnfyrirtækis selt hafi verið, svo og tegund og magn vöru.
- 2) Framvísun tollreiknings yfir vöruna, ásamt vörureikningi (faktúru).

Nú ris ágreiningur um endurgreiðsluhæfi endurgreiðslubeiðna, og sker þá fjármálaráðherra úr þeim ágreiningi, og er sá úrskurður fullnaðarúrskurður í málinu. Fjármálaráðherra mun skipa þriggja manna nefnd og fela henni að gera tillögur um úrskurði í slíkum vafamálum. Í þeirri nefnd munu eiga sæti fulltrúi fjármálaráðuneytisins, fulltrúi frá ríkisendurskoðun og fulltrúi frá Félagi íslenskra iðnrekenda. Ráðuneytið áskilur sér rétt til, að fulltrúar þess sannreyni birgðir og minnir í því sambandi á refsíákvæði um rangar upplýsingar til yfirvalda.

Eyðublöð fást hjá Félagi íslenskra iðnrekenda, Lækjargötu 12, Reykjavík, Verzlunarráði Íslands, Laufásvegi 36, Reykjavík, og hjá tollyfirvöldum.

Fjármálaráðuneytið 20. febrúar 1970.

Magnús Jónsson.

Jón Sigurðsson.

6. marz 1970.

Nr. 51.

G J A L D S K R Á

Rafveitu Stokkseyrar.

I. RAFORKA

Rafveita Stokkseyrar selur raforku á þann hátt og við því verði sem hér segir:

A. Lýsing.

11. Til almennrar lýsingar um kwst.mæli:
 - a. Mælisleiga samkvæmt kafla II.
 - b. Orkugjald 9.20 kr./kwst.
12. Til almennrar lýsingar um kwst.mæli:
 - a. Mælisleiga samkvæmt kafla II.
 - b. Fastagjald af gólfleti í rúmi því, er lýsa skal, mælt innan útveggja:

Fyrir húðir, vinnustofur og skrifstofur	46.00 kr./m ² /ári
Fyrir geymslur og ganga þeim tilheyrandi	18.00 kr./m ² /ári
 - c. Orkugjald 2.70 kr./kwst.
13. Til götulýsingar um kwst.mæli:
 - a. Mælisleiga samkvæmt kafla II.
 - b. Orkugjald 2.70 kr./kwst.
14. Til nota um vinnulagnir, meðan á byggingu stendur, um kwst.mæli:
 - a. Mælisleiga samkvæmt kafla II.
 - b. Orkugjald 4.60 kr./kwst.